

اتوار 28 دسمبر، 2025

مضمون۔ کر سچن سائنس

سنہری متن: استثنا 18 باب 15 آیت

”خداوند تیرا رب تیرے لئی تیرے وچوں ای یعنی تیرے بھرانواں وچوں میرے وانگراک نبی پیدا کرے گا۔ تسی اوہدی سُنو۔“

جوابی پڑھائی: یسعیاہ 9 باب 2، 6، 7

یسعیاہ 11 باب 1 توں 5 آیتاں

2۔ جیہڑے لوکی ہنیرے وچ ٹردے سی اوہناں نے بڑی لودیکھی۔ جیہڑے موت دے پر چھانویں دے ملک وچ وسدے سی اوہناں اُتے نور چمکیا۔

6۔ ایس لئی ساڈے لئی اک منڈا جیہ تے ساہنوں اک پتر بخشیا گیا تے سلطنت اوہدے موڈھیاں اُتے ہووے گی۔

7۔ اوہدی سلطنت دے اقبال تے سلامتی دی انتہا نہ ہووے گی۔ اوہ داؤد دے تخت تے اوہدی مملکت اُتے اج توں ہمیش تیکر حکمران رہوے گا تے عدالت تے صداقت نال اوہنوں قیام دیوے گا رب الالفواج دی غیوری ایہہ کرے گی۔

1۔ تے یسی دے تنے توں اک کونپل نکلے گی تے اوہدیاں جڑاں توں اک بار آور ٹہنی پیدا ہووے گی۔

2- تے خداوند دی روح اوہدے اُتے ٹھہرے گی۔ حکمت تے خرد دی روح، مصلحت تے قدرت دی روح، معرفت تے خداوند دے خوف دی روح۔

3- تے اوہدی شادمانی خداوند دے خوف وچ ہووے گی تے اوہ نہ اپنیاں اکھیاں دے ویکھن دے مطابق انصاف کرے گا تے نہ اپنے کنناں دے سنن دے مطابق فیصلہ کرے گا۔

4- بلکہ اوہ راستی نال مسکیناں دا انصاف کرے گا تے عدل نال دھرتی دے خاکساراں دا فیصلہ کرے گا تے اپنی زبان دے عصا نال دھرتی نوں مارے گا تے اپنے ہونٹاں دے دم نال شیراں نوں فنا کر دیوے گا۔

5- تے اوہدی کمر دا پٹکار استبازی ہووے گا تے اوہدے پہلو اُتے راستبازی دا پٹکا ہووے گا۔

درسی وعظ

بائبل وچوں

1- زبور 107 باب 15، 20 آیتاں

15- کاش لو کی خداوند دے رحم دی خاطر تے بنی آدم واسطے اوہدے کماں لئی اوہدی وڈیائی کر دے۔
20- اوہ اپنا کلام نازل کر کے اوہناں نوں شفا دیندا اے تے اوہناں نوں اوہناں دی ہلاکت توں رہائی دیندا اے۔

2- یوحنا 3 باب 16، 17، 34 آیتاں

16- کیوں جے رب نے جگ نال اجیہی محبت رکھی پئی اوہنے اپنا اکلوتا پتر دے دتا تاں جو جیہڑا وی اوہدے ایمان لیاوے اوہ ہلاک نہ ہووے بلکہ ہمیشہ دی حیاتی پاوے۔

17- کیوں جے رب نے پتر نوں جگ وچ ایس لئی نئیں گھلیا پئی جگ اُتے سزا دا حکم دیوے بلکہ ایس لئی پئی جگ اوہدے پاروں مکتی پاوے۔

34- کیوں جے جنہوں رب نے گھلیا اے اوہ رب دیاں گلاں آکھدا اے۔ ایس لئی پئی اوہ روح ناپ ناپ کے نئیں دیندا۔

3- لوقا 2 باب 1، 3، 14، 40 آیتاں

1- اوہناں دناں وچ ایخ ہونی پئی قیصر اگستس ولوں ایہہ حکم جاری ہوئی پئی سارے جگ دے لوکاں دے نال لکھے جان۔

3- تے سارے لوکی نال لکھوان لئی اپنے اپنے شہر نوں گئے۔

4- ایس لئی یوسف وی گلیل دے شہر ناصرت توں داؤد دے شہر بیت لحم نوں گیا جیہڑا یہودیہ وچ اے۔ ایس لئی پئی اور داؤد دے گھرانے تے اولاد وچوں سی۔

5- تاں جو اپنی منگ مریم دے نال جیہڑی حاملہ سی نال لکھواوے۔

6- جد اوہ اوتھے سی تے ایخ ہونی پئی اوہدے حمل دا ویلہ آگیا۔

7- تے اوہ اپلو ٹھاپتر پیدا ہوئی تے اوہنے اوہنوں کپڑے وچ لویت کے چرئی وچ رکھیا کیوں جے اوہناں لئی سرائے وچ تھاں نئیں سی۔

8- ایسے علاقے وچ چرواہے سی جیہڑے رات نوں میدان وچ رہ کے اپنے گلے دی راکھی کر رہے سی۔

9۔ تے خداوند افرشتہ اوہناں دے کول آکے کھلو گیتے خداوند اجلال اوہناں دے آلے دوالے چمکیتے اوہ بوہت ڈر گئے۔

10۔ پرفرشتے نے اوہناں نوں آکھیا پئی ڈرونہ کیوں جے ویکھو میں تہانوں اک بڑا خوشی داستانیاں دیناواں جیہڑا ساری امت لئی ہووے گا۔

11۔ پئی اج داؤد دے شہر وچ تہاڈے لئی اک منجی جیسا اے یعنی مسیح خداوند۔

12۔ تے یہدا تہاڈے لئی ایہہ نشان اے پئی تسی اک بال نوں کپڑے وچ لویٹیا تے چرنی وچ پایا ہو یا ویکھو گے۔

13۔ تے اک دم اوس فرشتہ دے نال آسمانی لشکر دا اک گروہ رب دی وڈیائی کرداتے ایہہ آکھدا ہو یا ظاہر ہو یا پئی۔

14۔ عالم بالا اُتے رب دی وڈیائی ہووے تے دھرتی اُتے اوہناں توں جنہاں توں اوہ راضی اے صلح ہوئے۔

40۔ تے اوہ جو ان وڈا ہندا تے طاقت پاندا گیتا تے حکمت توں معمور ہندا گیتا تے رب دا فضل اوہدے اُتے سی۔

4۔ یوحنا 8 باب 1، 2، 12، 16، 28، 31، 32 آیات

1۔ یسوع زیتون دے پہاڑ اُتے گیا۔

2۔ سویرے سویرے ای اوہ فیر ہیکل وچ آیا تے سارے لوکی اوہدے کول آئے تے اوہ بہہ کے اوہناں نوں تعلیم دین لگیا۔

12۔ یسوع نے فیر اوہناں نال گل کر کے آکھیا پئی جگ دی لومیں واں۔ جیہڑا میرے مگر ٹرے گا اوہ ہیرے وچ نیسں ٹرے گا بلکہ حیاتی دی لو پاوے گا۔

13۔ فریسیاں نے اوہنوں آکھیا توں اپنی گواہی آپ دینا ایں۔ تیری گواہی سچی نیسں۔

14- یسوع نے جواب وچ اوہناں نوں آکھیا بھانویں میں اپنی گواہی آپ ای دینا واں فیروی میری گواہی سچی اے کیوں جے مینوں تے پتا اے پئی میں کتھوں آیا واں تے کدھر نوں جاناں واں پر تہانوں نیں پتا پئی میں کتھوں آؤنا واں تے کدھر نوں جاناں واں۔

15- تسی بدن دے مطابق فیصلہ کر دے اوہ۔ میں کسے دا فیصلہ نیں کردا۔

16- تے جے میں فیصلہ کر داوی آں تے میرا فیصلہ سچا اے کیوں جے میں کلاہ نیں بلکہ میں واں تے باپ اے جنہ مینوں گھلیا اے۔

28- ایس لئی یسوع نے آکھیا پئی جد تسی ابن آدم نوں اُپے پہاڑ اُتے چاڑھو گے تے جانو گے پئی میں اوہ ای واں تے اپنے ولوں کجھ نیں کردا بلکہ جیویں پیو نے مینوں سکھایا اوسے طراں ایہہ گلاں آکھداں۔

31- ایس لئی یسوع نے اوہناں یہودیاں نوں آکھیا جنساں نے اوہا یقین کیتا سی پئی جے تسی میرے کلام اُتے قائم رہو وگے تے اصل وچ میرے چیلے ٹھہرو گے۔

32- تے سچائی توں واقف ہو وگے تے سچائی تہانوں آزاد کرے گی۔

5- متی 8 باب 5 توں 13 آیتاں

5- تے جدوں اوہ کفر نجوم وچ داخل ہوئیا تے اک صوبے دار اوہدے کول آیا تے اوہدی منت کر کے آکھیا

6- اے خداوند میرا خادم فالج داما ریا گھر وچ پیلا اے تے بوہت تکلیف وچ اے۔

7- اوہنے اوہنوں آکھیا میں آکے اوہنوں شفا دیواں گا۔

8- صوبے دار نے جواب وچ آکھیا اے خداوند میں ایس لائق نیں پئی توں میری چھت میٹھاں آنویں بلکہ صرف زبان نال آکھ دے تے میرا خادم شفا پا جاوے گا۔

13۔ تے یسوع نے صوبے دارنوں آکھیا جیویں تیرا ایمان اے تیرے لئی اونج ای ہووے تے او سے ویلے خادم نے شفا پائی۔

6۔ یوحنا 14 باب 6 (آکھیا جاندا اے)، 15 توں 17 آیتاں

6۔ یسوع نے اوہناں نوں آکھیا۔۔۔

15۔ جے تسی میرے نال پیار کر دے او تے میرے حکماں اُتے عمل کرو۔

16۔ تے میں پیوا گے درخواست کراں گاتے اوہ تہانوں دو جامد دگار بخشے گا پئی ہمیشہ تیکر تہاڈے نال رہوے۔

17۔ یعنی روح حق جنہوں جگ حاصل نہیں کر سکدا کیوں جے نہ اوہنوں دیکھدا نہ جاندا اے۔ تسی اوہنوں جان دے او کیوں جے اوہ تہاڈے نال رہندا اے تے تہاڈے اندر ہووے گا۔

7۔ یوحنا 15 باب 26 آیت

26۔ پر جد اوہ مددگار آوے گا جنہوں میں تہاڈے کول باپ ولوں گھلاں گا یعنی سچیاں والاروح جیہڑا باپ ولوں صادر ہندا اے تے اوہ میری گواہی دیوے گا۔

8۔ یوحنا 16 باب 13 (تا پہلی): آیت

13۔ پر جد اوہ یعنی سچیاں والاروح آوے گا تے تہانوں ساری سچیاں یارہ وکھاوے گا۔

9۔ افسیوں 1 باب 2، 13 آیتاں

- 2۔ ساڈے باپ رب تے خداوند یسوع مسیح ولوں تہانوں فضل تے اطمینان حاصل ہندار ہوئے۔
- 13۔ تے اوہدے وچ ای تہاڈے اُتے وی جدتسی سچائی دے کلام نوں سنیا جیہڑا تہاڈی مکتی دی خوشخبری اے تے اوہدے اُتے ایمان لیائے پاک موعودہ روح دی مہر لگی۔

سائنس تے صحت

1۔ 31-24:109

جداک نواں روحانی خیال دھرتی اُتے آؤندا اے، تے بسعیاء دا الہامی کلام نویں سرے توں پورا ہندا اے: ”ساہنوں اک پتر دتا گیا۔۔ اوہداناں عجیب مشیر ہووے گا۔“

یسوع نے اک واری اپنیاں تعلیماں دے بارے آکھیا: ”میری تعلیم میری نیئیں بلکہ میرے گھلن والے دی اے۔ جے کوئی اوہدی مرضی اُتے ٹرنا چاہو وے تے اوہ ایس تعلیم دے بارے جان جاو وے گا پئی رب ولوں اے یا میں اپنے ولوں آکھداں۔“ (یوحنا 7 باب 16، 17 آیتاں)

2۔ 14-1:107

سن 1866 وچ، میں کر سچن سائنس یا حیاتی، سچائی تے پیار دے الہی قانوناں نوں لبھیا تے اپنی ایس تلاش نوں کر سچن سائنس داناں وِتا۔ رب بوہت شاندار طریقے نال مینوں سائنسی ذہنی شفا دے پورے الہی اصول دے ایس اخیر می مکشفے دے استقبالیے لئی تیار کر رہیا اے۔

ایہہ صریحی اصول اعمانوئیل، ”رب ساڈے نال اے“، ہمیشہ دے حاکم، دے مکشفے ول اشارہ کردا اے، آدم دے پترنوں ہر اوس بیماری توں آزاد کر دیاں ہوئے ”جیہڑا بدن دی میراث اے“۔ کر سچن سائنس دے راہیں، مذہب تے دوائی الہی فطرت تے جوہر دے نال الہامی بنائے جان دے نیں، ایمان تے سمجھ نوں پر دتے جان دے نیں، تے خیال سیان دے نال اپنے آپ نوں رب دے نال جوڑ دے نیں۔

3- 24-11:109

میری تن ورھیاں دی دریافت دے بعد، میں عقلی شفا دے بارے مسئلے داخل لبھیا، آیتاں نوں لبھیا تے تھوڑی بوہت کجھ ہو ر پڑھائی کیتی، معاشرے توں دوری رکھی، تے اک مثبت اصول دی دریافت لئی اپنا ویلہ تے توانائی وقف کیتی۔ ایہہ تلاش مٹھی، پرسکون، تے آس دے نال خوش کن سی، نہ پئی خود غرض تے نہ ای افسردہ سی۔ میں رب نوں سیان دے ہم آہنگ عمل دے اصول دے طور تے جان داسی، تے ایہہ پئی ابتدائی مسیحی شفا وچ علاج پاک تے اچے ایمان دے پاروں پیدا ہو رہے سی؛ پر میں ایس شفا دی سائنس لازمی جانی سی، تے میں الہی مکشفہ، وجہ تے اظہار دے پاروں اپنی راہ دیاں قطعی منزلاں اُتے اُپڑیا۔ میری سمجھ وچ سچائی دا انکشاف ہوئی ہوئی تے ظاہری طور تے الہی طاقت دے راہیں آیا۔

4- 24-13:110

سائنسی مکشفے دیاں ایہناں راہنمائیاں اُتے عمل کر دیاں ہوئے، بائبل میری کُلی درسی کتاب سی۔ صحیفیاں اُتے لوپائی گئی؛ وجہ تے مکشفہ دا آپس وچ ملاپ کیتا گیا، تے ایہدے بعد کر سچن سائنس دی سچائی دا اظہار ہوئیا۔ سائنس تے صحت، کتاب وچ پائی جان والی سائنس دے بارے نہ کسے انسان دی قلم تے نہ زبان نے مینوں کجھ سکھایا؛ تے کوئی زبان یا قلم ایہنوں ترک نہیں کر سکدی۔ شاید ایس کتاب نوں کھوکھلی تنقید یا لاپرواہتے بدنیت طالب علمان ولوں مسخ کیتا جاوے، تے ایہدے خیالاں دی عارضی توہین یا غلط ترجمانی کیتی جاوے؛ پر پچھانن تے اظہار کرن لئی سائنس تے سچ ایہدے وچ ہمیشہ موجود رہو وے گا۔

5- 27-7:8

کیوں جے لکھارن نے بیماری تے ایہدے نال نال پاپ دے علاج وچ سچائی دی طاقت نوں لبھیا، اوہدا نظام پورے طور تے تصدیق شدہ سی تے ایہہ کدی ادھانئیں رہیا؛ بلکہ کر سچن سائنس دی اُچیائی تیکر اپڑن لئی، انسان نوں ایہدے الہی اصول دی فرمانبرداری حیاتی گزارنی چاہیدی اے۔ ایس سائنس دی پوری طاقت نوں اجاگر کرن لئی، بدنی حس دی مخالفت نوں روحانی حس دی ہم آہنگی مننی چاہیدی اے، جیویں پئی موسیقی دی سائنس غلط دھنناں نوں ٹھیک کر دی تے آواز نوں مٹھی آہنگ فراہم کر دی اے۔

6- 21-13:483

کیوں جے سیان دی سائنس عام سائنسی سکولاں نوں چنگانیں لگدا، پئی ایہہ بس بدنی شیواں نال لڑدی اے، ایس لئی ایس سائنس دی مخالفت کیتی گئی، پر جے کوئی علم رب نوں عزت دیندا اے، تے دانش مند لوکاں ولوں ایہنوں قبول کیتا جاوے، نہ پئی اوہدی مخالفت کیتی جاوے۔ تے کر سچن سائنس رب دی عزت اتیج کر دی اے جیویں دوجا کوئی

عقیدہ نئیں کردا، تے اوہ ایہہ سب اوہدے مقرر کیتے ہوئے طریقیاں نال کردی اے، اوہدے پاک ناں تے فطرت دے راہیں ہتھیرے حیرت انگیز کم انجام دیندیاں ہوئے کردی اے کسے بندے نوں چاہیدا اے پئی اوہ اپنے مقصد نوں ڈرتے ضد دے بغیر پورا کرے، کسے کم نوں چنگی طراں انجام دین لئی اوس کم نوں خود غرضی توں پاک ہونا چاہیدا اے۔ مسیحیت کدی وی الہی اصول اُتے یونئیں رکھے گی تے ایخ یقینی رہوے گی جدوں تیکر ایہدی پوری سائنس تیکر نئیں اپڑیا جاندا۔ جدوں ایہہ پوری ہو جاوے، نہ غرور، نہ تعصب، تے نہ ساڑا ایہدی نیو نوں مکا سکے گا، کیوں جے ایہہ مضبوط چٹان، مسیح اُتے رکھی گئی اے۔

7- 123:16-29

لکھاری ولوں کر سچن سائنس دی اصطلاح دا تعارف دین دا مقصد الہی شفا دے سائنسی نظام نوں ظاہر کرنا سی۔

مکاشفہ دو حصیاں نال بنیا اے:

1- عقلی شفا دی الہی سائنس دی کھوج یعنی جید اسٹڈے مالک نے وعدہ کیتا اوس تسلی دین والے دیاں تعلیمیاں دے راہیں تے صحیفیاں دے روحانی فہم دے راہیں۔

2- موجودہ اظہار دے راہیں، ایس گل دا ثبوت پئی یسوع دے نام نہاد معجزے اوس تقدیر نال تعلق نئیں رکھدے جیہڑی ہن مک گئی اے، بلکہ اوہناں نال اک ہمیشہ کار گر رہن والا الہی اصول ظاہر ہوئیا۔ ایس اصول دی کار کردگی سائنسی ترتیب دی ابدیت تے ہستی دے تسلسل ول اشارہ کردی اے۔

8- 31-110:259

یسوع نے انسانی سیاناں تے بدناں نوں شفا دین لئی کر سچن سائنس دی طاقت نوں ظاہر کیتا۔ پر ایس طاقت نوں نظر انداز کر دتا گیا سی، پر ایہدے اُتے دوبارہ روحانی طور تے غور کیتا جانا، ایہدی تعلیم دتی جانی تے مسیح دے حکم دے مطابق، ”علامتاں دے مگر ٹرن“ نال ایہدا اظہار کیتا جانا چاہیدا اے۔ جنہ وی مسیح اُتے ایمان رکھدے نیں تے روحانی طور تے سچیاں نوں سمجھدے نیں اوہناں نوں ایہدی سائنس دی سمجھ لازمی ہونی چاہیدی اے۔

9- 27-455:20

اُچے درجے والے کم لئی رب کسے بندے دی ودھن والی صحت مندی نوں چن دا اے تاں جو کسے غیر ممکنہ مہم نوں ختم کر ن لئی ایہہ پیش کیتی جاسکے۔ اوہ حکمت والا اپنا اعتبار کسے نااہل بندے نوں نہیں دیندا۔ جدوں اوہ کسے قاصد نوں مختار بناؤندا اے تے ایہہ اوہ ہندا اے جیہڑا روحانی طور تے آپ اوہدے نال ہووے۔ کوئی بندہ ایس ذہنی طاقت نوں غلط نہیں ورت سکدا، جے اوہنوں رب ولوں ایہدی تعلیم دتی گئی ہووے۔

10- 16-14:174

آؤن والیاں پیڑیاں لئی راہ دا نشان بناؤندیاں ہوئے، جیہڑا وی کر سچن سائنس وچ راہ کھولدا اے اوہ اک زائر تے اجنبی اے۔

11- 29-16:55

میری خستہ حال امید اوس خوشی دے دن دا احساس دلاؤن دی کوشش کر دی اے، جدوں انسان مسیح دی سائنس نوں سمجھے گاتے اپنے گوانڈی نال اپنے وانگر پیار رکھے گا، جدوں اوہ ایہہ جانے گا پئی رب قادر مطلق اے تے جو کجھ اوہنے انسان لئی کیتا اے تے کر رہیا اے اوہدے وچ الہی محبت دی شفا نیہ طاقت نوں جانے گا۔ وعدے پورے کیتے جان گے۔ الہی شفا دے دوبارہ ظاہر ہوں دا ویلہ ہر ویلہ ہندا اے؛ تے جو کوئی وی اپنا دھرتی والا سب کجھ الہی سائنس دی الطار اُتے رکھدا اے، اوہ ہن مسیح دے پیالے وچوں پیندا اے، تے اوہ روح تے مسیحی شفا دی طاقت نال ملبوس ہندا اے۔

مقدس یوحنا دے لفظاں وچ: ”اوہ تہانوں دو جامد گار بخشے گا پئی ہمیشہ تیکر تہاڈے نال رہوے۔“ میں الہی سائنس نوں ایہہ مددگار سمجھداواں۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی بیارای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال بیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔